

Na osnovu člana 22 Statuta Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj 2/10 – prečišćeni tekst), Skupština Brčko distrikta Bosne i Hercegovine, na 63. redovnoj sjednici održanoj 4. septembra 2024. godine, usvaja

ZAKON
O IZMJENAMA ZAKONA O ZAPOSŁJAVANJU I PRAVIMA
ZA VRIJEME NEZAPOSLENOSTI

Član 1

U Zakonu o zapošljavanju i pravima za vrijeme nezaposlenosti („Službeni glasnik Brčko distrikta BiH“ brojevi: 1/23 i 19/23) u članu 12 stavu 1 tačka c) mijenja se i glasi:

„c) lice koje je pravosnažnom sudskom presudom osuđivano za vršenje krivičnih djela na kaznu zatvora u trajanju dužem od šest (6) mjeseci;“.

Iza tačke d) dodaje se tačka e) koja glasi:

„e) lice koje ima 65 i više godina života.“

Član 2

U članu 18 stavovi 4, 5 i 6 mijenjaju se i glase:

„(4) Za direktora može biti imenovano lice koje:

- a) ima državljanstvo Bosne i Hercegovine;
- b) ima najmanje visoku stručnu spremu (VSS) VII/1, koeficijent obrazovanja minimalno 240 ECTS bodova;
- c) ima najmanje pet godina radnog iskustva nakon sticanja visoke stručne spreme;
- d) je mlađe od 65 godina života.

(5) Za direktora Zavoda ne može biti imenovano lice koje je pravosnažnom sudskom presudom osuđivano za krivična djela na kaznu zatvora u trajanju dužem od šest (6) mjeseci.

(6) Upravni odbor razrješava direktora prije isteka mandata u slučaju:

- a) da direktor podnese zahtjev za razrješenje;
- b) da direktor više ne ispunjava uslove za imenovanje;
- c) da su ispunjeni drugi uslovi propisani Zakonom, Statutom Zavoda i drugim važećim aktima Zavoda.“

Član 3

Iza člana 81 dodaje se član 81a koji glasi:

Član 81a

(Izuzetak od primjene)

Odredbe člana 12 stava 1 tačke e) i člana 18 stava 4 tačke d) ovog zakona ne primjenjuju se na lica kojima u momentu stupanja na snagu ovog zakona traje mandat člana upravnog odbora i direktora.“

Član 4

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-4869/24
Brčko, 4. 9. 2024. godine

PREDSJEDNIK
SKUPŠTINE BRČKO DISTRIKTA BiH
mr. sci. Siniša Milić, s. r.